




ԱՎԱՐՏԱԾԱՌԵՐԻ ՊԱՇՏՊԱՆՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Սույն թվականի մարտի 10-ին հոգևոր ճեմարանի հանդիսությունների դահլիճում տեղի ունեցավ հոգևոր ճեմարանի 7 շրջանավարտների դիպլոմային աշխատանքների բանավոր պաշտպանություն:

Հանդիսությանը ներկա էին Մայր Աթոռի դիվանապետ գերաշնորհ Տ. Ներսես արքեպս. Պողոսյանը (ատենավար), Մայր տաճարի լուսարարապետ գերաշնորհ Տ. Հուսիկ արքեպս. Սանթրոյանը, Եգիպտոսի հայոց թեմի առաջնորդ գերաշնորհ Տ. Զավեն արքեպս. Չինչիկյանը և Վիրահայոց թեմի առաջնորդ գերաշնորհ Տ. Գեվորգ եպս. Սերադարյանը, Մայր Աթոռի միաբանությունը, հոգևոր ճեմարանի դասախոսական կազմը, ուսանողությունը և հյուրեր:

Քննող հանձնաժողովի կազմում էին՝ հոգևոր ճեմարանի տեսուչ Տ. Եզնիկ քնն. Պետրոսյանը (հանձնաժողովի նախագահ) և հոգևոր ճեմարանի դասախոսներ՝ բանասիրական գիտությունների թեկնածու պրն. Արմեն Տեր-Ստեփանյանը և հոգեբանական գիտությունների թեկնածու պրն. Երվանդ Գրիգորյանը:

Նախ ընթերցվեց ներկայացված յուրաքանչյուր աշխատանքի վերաբերյալ հանձնաժողովի կողմից կազմված եզրակացությունը, որից հետո յուրաքանչյուր շրջանավարտ հանդես եկավ իր ավարտաճառի բանավոր պաշտպանությամբ և պատասխանեց տրված հարցերին:

Իրենց ավարտաճառների պաշտպանությամբ հանդես եկան և հոգևոր ճեմարանի շրջավարտի դիպլոմներ ստացան.

1. Հրաչ սրկ. Հակոբյան.

Ավարտաճառի թեման էր՝ «Եվսեբիոս Կեսարացին հայ մատենագրության մեջ»:

Աշխատանքը բաղկացած էր 145 մեքենագիր էջից և ընդգրկում էր Եվսեբիոս Կեսարացու կյանքը և գրական ժառանգությունը, Եվսեբիոս Կեսարացու գործերի հայերեն թարգմանությունների մատենագիտությունը, ինչպես նաև որոշ բնագրեր: Ներկայացված աշխատանքը գնահատվեց գերազանց:

2. Գևորգ սրկ. Աջապահյան.

Ավարտաճառի թեման էր՝ «Պետրոս Բերդումյան. կյանքը, գործը և «Մեկնութիւն Յորայ» աշխատությունը»:

Աշխատանքը բաղկացած էր ուսումնասիրությունից (52 մեքենագիր էջ) և բնագրից (403 մեքենագիր էջ):

Տրված է ժամանակաշրջանի ընդհանուր բնութագիրը, Պետրոս Բերդումյանի կյանքը ու գործունեությունը, մատենագրական վաստակը և «Մեկնութիւն Յորայ» բնագիրը:

Ներկայացված ուսումնասիրությունը գնահատվեց գերազանց:

3. Կամո սրկ. Աբրահամյան.

Ավարտաճառի թեման էր՝ «Աղվանից Եկեղեցու համառոտ պատմություն (Դ—ԺԷ դարեր)»:

Ավարտաճառը բաղկացած էր 80 մեքեն-

նագիր էջից և ուներ հետևյալ բովանդակությունը.

Աղվանից Եկեղեցին Աղվանքում, Կապադակյան և Չոլյան շրջան (Դ—Ջ դարեր), Աղվանից կաթողիկոսության Պարտավան շրջանը (Ջ—Թ դարեր), Աղվանից կաթողիկոսությունը աստանդակյան վիճակում (Թ—ԺԵ դարեր), Գանձասարի կաթողիկոսությունը (ԺԵ—ԺԷ դարեր):

Ներկայացված ուսումնասիրությունը գնահատվեց քաջալավ:

4. Արծվի սրկ. Գևորգյան.

Ավարտաճառի թեման էր՝ «Իրիմիոս Լուգդիմացու աստվածաբանական հայացքները»:

Աշխատանքը բաղկացած էր 51 մեքենագիր էջից և ներկայացնում էր Իրիմիոսի տեսակետները Աստուծո մասին, Երրորդության մասին, հեղինակի քրիստոսաբանությունը, վերագլխության վարդապետության, խորհուրդների ու վախճանաբանության մասին:

Ներկայացված աշխատանքը գնահատվեց լավ:

5. Տ. Համազասպ քհն. Բաբուջյան.

Ավարտաճառի թեման էր՝ «Հովհան Դամասկացու երկու ճառերը ընդդեմ նեստորականության»:

Աշխատանքը տեղեկություններ էր հաղորդում Հովհան Դամասկացու երկերի հայերեն թարգմանությունների և Նեստորի հերետիկոսության մասին, քննվում են «Բանք վասն հաւատոյ և ընդդիմադրութիւն Նեստորի» և «Նեստորի որք համախորհ էք առ ձեզ այսպէս սկսանիմք» գործերում արծարծված խնդիրները: Կցված են նաև բնագրերը:

Ներկայացված աշխատանքը գնահատվեց քաջալավ:

6. Գառնիկ սրկ. Կարապետյան.

Ներկայացրած ավարտաճառի թեման էր՝ «Կիլիկիայի հայոց թեմերը ԺԲ—ԺԴ դարերում»:

Ավարտաճառը բաղկացած էր 55 մեքենագիր էջից:

«Երկու խոսք»-ից ու «Ներածություն»-ից հետո Գառնիկ սարկավագն անդրադարձել էր Կիլիկիայի թեմերից յուրաքանչյուրի պատմությանը և ճշտել յուրաքանչյուր թեմի գավազանագիրքը:

Ներկայացված աշխատանքը գնահատվեց լավ:

7. Սամվել սրկ. Հովհաննիսյան.

Նրա ներկայացրած ավարտաճառի թեման էր՝ «Վաղ քրիստոնեական ջատագովական գրականությունը և Միմոկիոս Ֆելիքսի «Օկտավիոս» երկը»:

Աշխատանքը բաղկացած էր 154 մեքենագիր էջից և ուներ հետևյալ բաժանումները.

Ջատագովական գրականության ծագման պատճառները, նպատակները և մեթոդները:

Փիլիսոփայության նկատմամբ քրիստոնյաների դիրքորոշման հարցը Բ—Գ դարերի քրիստոնեական գրականության մեջ:

Միմոկիոս Ֆելիքսը և նրա «Օկտավիոս» երկը:

Միմոկիոս Ֆելիքս. «Օկտավիոս» (բնագրի թարգմանություն):

Ծանոթագրություններ:

Ներկայացված աշխատանքը գնահատվեց գերազանց:

Ավարտաճառերի պաշտպանությունից ու հոգևոր ճեմարանի դիպլոմների հանձնման հանդիսավոր արարողությունից հետո շրջանավարտներին ուղղված շնորհավորանքի ու բարեմաղթանքի խոսք ասաց Մայր Աթոռի դիվանապետ գերաշնորհ Տ. Ներսես արքեպս. Պողոսյանը.

«Գերաշնորհ Սրբազան Եղբայրներ,

Վերստին բոլորվել ենք հոգևոր ճեմարանի հարկի տակ: Միասին հուզումով և գոհունակությամբ հետևեցինք ճեմարանի շրջանավարտ յոթ սաների ներկայացրած ավարտաճառերի բանավոր պաշտպանությունը: Անցյալ ուսումնական տարվա հունձքն էր, որ ներկայացվում էր մեզ: Առատ ու բարի հունձքի առաջ կանգնած հնձվորի նման մեր սրտերը ուրախությամբ լցվեցին: Ուրախությամբ լցվեցինք, որովհետև մի պահ շրջանավարտ մեր սաներին պատկերացրինք իրենց ապագա ծառայությանը նվիրված, և գոհունակության մի զգացում պատեց մեր ներքին աշխարհը, թե Հայաստանյայց Եկեղեցին ոտքի է կանգնում իր վերքերը բուժելով, և թե որքան անկատար իղձեր կան մեր առաջ, որոնք իրականանալու են մեր շարքերը խտացնող այս նոր նվիրյալների միջոցով:

Ներկայացված ավարտաճառերը ընդհանրապես գնահատելի աշխատություններ էին, նրանցից մի քանիսը՝ նույնիսկ լուրջ ու հասուն գործեր՝ արժանի հրատարակության: Ծնորհավորում ենք մեր շրջանավարտ սարկավագ և քահանա եղբայրներին՝ մաղթելով նրանց, որ բանիլ, գործով

և գրչով շարունակեն բարձրանալ մեր Եկեղեցու ծառայության աստիճաններից վեր:

Հոգևոր ճեմարանը նմանվում է մի փեթակի, ուր եռուն կյանք են վարում մեր սաները: Այս հարկի տակ միշտ կյանք կա, միշտ ձայն ու խոսք, երգ ու նվագ: Նշանակում է՝ այստեղ աշակերտներ են ապրում ու աշխատում, և այդ աշխատանքը մեր կյանքի խորհրդանշանն է, մեր գոյության իմաստը: Այս հարկի տակ ուսում է ջանքվում, գիտություն է տրվում Հայ Եկեղեցու սպասավորությանը կոչված մատաղ մոր սերնդին: Ուսումնառության և աշխատանքի այս եռանդն է, որ լցնում է մեր սրբավայրի շրջափակը և մեր դարավոր պատմության հետ հանդիպում է այստեղ մեր մոր կյանքի ծնունդը: Մայր Աթոռում եռուն աշխատանք է գնում, կյանքն է եռում, և մեր անցյալը այստեղ հանդիպում է ներկային, որից և սկիզբ է առնում ապագայի հանդեպ մեր ունեցած լավատեսությունը:

Ս. Էջմիածնի հովանու տակ մեր անցյալի եռամեծ հոգևոր սպասավորները մոր կյանք են ստացել, իրենց գիտության ծառային են հագեցրել և ծառայության կոչվել մոր տեսիլներով և իդեալներով: Ծեմարանի գրասեղանների առաջ քանի՜ սերունդներ են դաստիարակվել: Գիտության ծառավը անհազ մի ծառավ է. ինչքան խմեք նրանից, այնքան պահանջն ավելանում է, մին-

չև մեր անցավոր կյանքի վերջին հանգրվանը:

Սիրելի շրջանավարտներ, ձեր առաջ աշխատանքի մի մոր կյանքի շրջան է սկսվում: Հրաժեշտ ենք առնում հոգևոր ճեմարանից, բայց ոչ ուսումնառությունից, գրքից ու գրչից: Զգացե՛ք կյանքում դուք ձեզ իբրև հավիտենական աշակերտներ, միշտ սովորեցե՛ք, մարդ տևապես սովորում է՝ առանց գիտության կատարելության հասնելու: Ծուռով, իբրև ձեռնադրյալ հոգևոր սպասավորներ, դուք ևս ձեր հերթին, ըստ Քրիստոսավանդ խոսքի, ժողովրդի ծոցում ծառայության եք կոչվելու՝ քարոզելով, սովորեցնելով, մկրտելով և լույս տարածելով: Զեզ բարի ճանապարհ և հաջողություն:

Ծնորհավորում եմ ձեզ հանուն Վեհափառ Հայրապետի և բերում Նորին Սրբության օրհնությունները ձեզ բոլորիդ:

Հաջորդ օրը շրջանավարտներին ընդունեց Վեհափառ Հայրապետը և իր օրհնությունը բաշխեց բոլորին:

*
*

«Էջմիածին» ամսագրի խմբագրությունը ևս շնորհավորում է շրջանավարտներին, մաղթելով, որ ապագայում դառնան արժանի մշակները Հայաստանյայց Առաքելական Ս. Եկեղեցու:

